

Borgarfjarðarbrúin

Laugargerðisskóli 17. mars 2010

Mætt voru: Ársæll Guðmundsson, Hilmar Már Arason, Ingibjörg Guðmundsdóttir, Aldís Eiríksdóttir, Kristín Guðmundsdóttir, Lilja Ólafsdóttir, Halla Guðmundsdóttir, Fjóla Benediktsdóttir, Ásthildur Magnúsdóttir, Snæbjörn Reynisson og Gunnhildur Harðardóttir, verkefnisstjóri.

Dagskrá fundarins:

1. Staða hópa
2. Sprotasjóður
3. Stýrihópur
4. Enskukennsla
5. Skóladagatal
6. Önnur mál

Formaður bíður nefndarmenn velkomna á fund.

1. Staða hópa

Farið yfir stöðu hópa. Vinna gengur allvel í hópunum. Hópstjórar hafa gefið skýrslu um gang mála. Fjarfundir virðast ekki hafa gengið upp í öllum hópum. Kennarar nefna það sem vankant að þeir séu að kenna á þessum tíma en það á að vera frágengið að hálfu skólastjórnenda að þeir séu lausir. Mikilvægt að hvetja hópana til að hittast seinni fimmtudaginn líka til að ljúka vinnunni. Hóparnir eiga að skila af sér í lok maí eða byrjun júní. Í lokavinnu hópanna þarf að koma fram hvar skörunin á milli skólastiga er og hverjum má þá sleppa á hvoru skólastigi fyrir sig. Ný drög að námskrám má nú finna inn á stjr.is, hópstjórar þurfa að kynna sér þær.

2. Sprotasjóður

Verkefnisstjóra barst tölvupóstur 5. mars 2010 þar sem verkefnisstjóri Sprotasjóðs óskaði eftir dagsetningu á lokaskýrslu til að hægt væri að ganga frá samningi. Greiðslur koma í tvennu lagi, 60% af styrknum koma í byrjun apríl og seinni greiðslan kemur þegar lokaskýrsla hefur borist. Að viðhöfðu samráði við formann bakhóps og formann stýrihóps var dagsetning lokaskýrslu ákveðin 15. desember 2010. Ekki hefur verið ákveðið hver ber ábyrgð á gerð skýrslunnar.

3. Stýrihópur

Ársæll Guðmundsson formaður stýrihóps gerði grein fyrir fundi stýrihóps sem var haldinn 2. mars 2010 í MB. Fyrir hönd ráðuneytisins mættu Sigurjón Mýrdal og Guðni Olgeirsson. Rætt var m.a. um hve þekkt nafn verkefnisins væri innan skólasamfélagsins og ráðuneytisins. Það væri meðbyr varðandi umsóknir um styrki og umfjöllun. Formlegur samningur sem Borgarbyggð og Menntamálaráðuneytið gerðu mér sér á sínum tíma gæti gert gæfumuninn í sambandi við framhald verkefnisins og nemendur á tveimur skólastigum. Ráðuneytið vill fá gögn í hendurnar um þá vinnu sem búin er og er þá aðallega horft á námskránnar. Óskað var eftir úttekt frá ráðuneytinu á verkefninu og er úttekt lokið en von er á skýrslu í maí. Sjá nánar um fundinn í fundargerð stýrihóps á bruin.borgarbyggd.is Umræður urðu um úttektina og komu fram athugasemdir við spurningar sem lagðar voru fyrir aðila að verkefninu og þann knappa tíma sem úttektaraðilar virtust hafa til verksins.

4. Enskukennsla

Rætt um stöðu enskukennslu í skólunum. Stefnit hafði verið að því að fá fyrirlesara til að koma og vera með innlegg um kennsluhætti en því miður reyndust þeir sem rætt var við vant við látnir.

Þá var einnig rætt um:

- Niðurstöður samræmdra prófa – skoða þarf niðurstöðurnar og sjá hvernig grunnskólarnir hafa komið út á ákveðnum færniþáttum
 - Koma þarf á fjölþættu jafningjamati
 - Dreifa bæklingi um leshringi til skólanna
 - Auka þarf verulega munnlega færni nemenda í tungumálakennslu sem og kennara
 - Ljóst er að sjaldnast eru það tungumálakennarar sem kenna tungumál í skólunum heldur virðist sem tungumálakennsla sé afgangsstærð við skipulagningu kennslu.
- Skólastjórnendur þurfa að vera meðvitaðir um þennan vanda og hafa það í huga við val kennara

Niðurstaða fundarins var að fresta þessu verkefni til haustsins og stefna að átaksverkefni í kennslu erlendra tungumála að hausti. Mikilvægt að þeir sem sjá um fræðslumál í Borgarbyggð séu meðvitaðir um stöðu tungumálakennslunnar.

- Hrinda skal af stað átaksverkefni næsta haust í tungumálum – hópurnir er sammála um að mikil sóknarfæri séu í tungumálakennslu og með samstilltu átaki megi færa þar margt til betri vegar.

5. Gerð skóladagatala

Rætt um skólaárið 2010 – 2011 og mikilvægi þess að skólastjórnendur setji sameiginlega starfsdaga inn á dagatölin. Í þeim drögum sem nú liggja fyrir er ekki gert ráð fyrir sameiginlegum starfsdögum. Nauðsynlegt er að samræma dagatölin svo auðveldara sé að halda Brúarvinnu áfram. Rætt um hvort eigi að nota hálfu eða heila daga sem starfsdaga. Fræðslustjóra falið að ræða sameiginlega starfsdaga við skólastjóra á næsta fundi.

Einnig rætt um námstefnu sem vera á í vor. Gert var ráð fyrir ráðstefnu í júní eins og síðast liðið vor en einugis MB og Laugargerðisskóli hafa haft það í huga við gerð skóladagatala fyrir árið 2009-2010. Tilmælum beint til skólastjóra að finna dagsetningu sem hentar og nota endurmenntunarkvóta kennara í verkefnið. Fræðslustjóra falið að ræða þetta á næsta fundi skólastjóra.

6. Önnur mál

Rætt var m.a. um:

- Menntaþingið sem haldið var í Reykjavík. Mjög fróðlegt efni frá þinginu má finna á: <http://www.menntamalaraduneyti.is/menntathing>
- Hópstjóri náttúrfræðihóps óskaði eftir því að næsta vetur væri sameiginlegur fundur kennara (starfsdagur) þar sem farið væri í stjórnfræði fyrir kennara og unnið með kort og vefi. Innan hópsins er margir áhugamenn sem gætu leiðbeint.

Fundarritari
Gunnhildur Harðardóttir